

სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის 2025 წლის 6 თვის განმავლობაში გაწეული საქმიანობის ანგარიში გაწეული საქმიანობის შესახებ.

(განათლების მიმართულება)

სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის განათლების მიმართულების მთავარ ფუნქციას წარმოადგენს განათლების სფეროში მუნიციპალური პროგრამების შემუშავება და მათი განხორციელების კოორდინაცია შესაბამის ა(ა)იპ ცენტრებთან ერთად; განათლების სფეროში პრიორიტეტების განსაზღვრის მიზნით წინადადებების მომზადება და მათ განხორციელებაში მონაწილეობის მიღება; სკოლამდელი სააღმზრდელო და სკოლისგარეშე დაწესებულებების მართვის კოორდინაცია; გამოჩენილი პიროვნებების ხსოვნის უკვდავყოფის, განათლების სფეროში დასაქმებულთა მოღვაწეობის წარმოჩენისა და პოპულარიზაციის ხელშეწყობა; კულტურულ-საგანმანათლებლო ღონისძიებათა ჩატარება, ხალხური შემოქმედების, თეატრალური, მუსიკალური და ხელოვნების სხვა დარგების ხელშეწყობა, ღონისძიებების დაგეგმვა; წარმატებული ახალგაზრდების მხარდაჭერა, მათი საქმიანობის ხელშეწყობა და წახალისება კომპეტენციის ფარგლებში;

2025 წლის ბიუჯეტი განათლების მიმართულებით განსაზღვრულია 105 500 ლარით.

როგორც მოგეხსენებათ, განათლების, კულტურის, სპორტისა და ახალგაზრდობის სამსახურის ერთ-ერთ უმთავრეს პრიორიტეტს წარმოადგენს ნიჭიერი ახალგაზრდების წარმოჩენა და მათი წახალისება და შემოქმედების პოპულარიზაცია,

2025 წლის I-II კვარტლის საანგარიშო პერიოდში საგანმანათლებლოს სფეროში ჩატარდა რიგი ღონისძიებებისა როგორც სკოლისგარეშე, ასევე სკოლამდელი მიმართულებით. ფინანსურად წახალისდნენ სხვადასხვა საერთაშორისო, ეროვნულ თუ მუნიციპალურ კონკურსებში განსაკუთრებული შედეგების მქონე მოსწავლეები:

წმინდა ალექსი შუშანიას სახელობის მართლმადიდებლური სკოლა-გიმნაზიის მე-11 კლასის მოსწავლეები, ელენე ქაჩიბაიამ და დაჯი კუჭავამ სერიოზულ წარმატებას მიაღწიეს ათასწლეულის გამოწვევის ფონდი - საქართველო MGA –Georgia-ს მიერ ჩატარებულ ინოვაციურ კონკურსში. ელენე ქაჩიბაიამ გუნდ „Marine cuard“-თან ერთად პირველი ადგილი დაიკავა და ის აშშ-ს საელჩოს დაფინანსებით იმყოფებოდა ე. ჰიუსტონში, ნასას კოსმოსური ცენტრის უნივერსიტეტის ბანაკში. დაჯი კუჭავა კი გუნდ „BEES“-თან ერთად „საქპატენტის“ რჩეული გახდა. შესაბამისად, სკოლა-გიმნაზიის მე-11 კლასის წარმატებული მოსწავლეები წახალისდნენ ფინანსურად და განათლების, კულტურის, სპორტისა და ახალგაზრდობის სამსახურის განათლების ხარჯებიდან და ელენე ქაჩიბაიას გადაეცა 500 ლარი, ხოლო დაჯი კუჭავას 300 ლარი.

-გამოჩენილი მწერლის, მთარგმნელის, საზოგადო მოღვაწის, ქართველი ებრაელის, ჯემალ აჯიაშვილის დაბადებიდან 81 წლისადმი მიძღვნილ კომპლექსურ ღონისძიებათა ფარგლებში, მ/წლის 23 მარტს, სენაკის მოსწავლე ახალგაზრდობის ცენტრში გაიმართა მხატვრული კითხვის კონკურსი, სადაც მონაწილეობას ღებულობდნენ სენაკის საჯარო სკოლების მოსწავლეები, რომლებიც განათლების, კულტურის, სპორტისა და ახალგაზრდობის სამსახურის განათლების ღონისძიებათა ხარჯებიდან წახალისდნენ ფინანსურად:

1. სოფელ ზანის საჯარო სკოლის მე-11 კლასის მოსწავლე, **ლინდა მირგატი** - 300 (სამასი) ლარით;
2. N7 საჯარო სკოლის მე-12 კლასის მოსწავლე, **ცოტნე კაცია** - 200 (ორასი) ლარით

3. N1 საჯარო სკოლის მე-10 კლასის მოსწავლე, მათე მეფარიშვილი - 100 (ასი) ლარით

ჩვენს ქალაქში ტრადიციად იქცა სასკოლო თეატრალური ოლიმპიადის ჩატარება. ოლიმპიადის ფარგლებში, ჟიურის გადაწყვეტილებით, ნომინაციაში „ოლიმპიადის აღმოჩენა“ გამარჯვებულად დასახელდა ჟიული შარტავას სახელობის №2 საჯარო სკოლის მე-9 კლასის მოსწავლე ზაზა სიგუა, რომელიც გამოირჩა განსაკუთრებული მსახიობური მონაცემებითა და სცენური თავდაჯერებულობით. სამსახურმა მიზანშეწონილად მიიჩნია ახალგაზრდის შემდგომ მოტივაციისა და განვითარების ხელშეწყობის მიზნით ზაზა სიგუას ფინანსურად წახალისება 500 ლარის ოდენობით.

-17 ივნისს, „ვეფხისტყაოსნის“ დღისადმი მიძღვნილ კომპლექსურ ღონისძიებათა ფარგლებში გაიმართა კალიგრაფიის კონკურსი, სადაც მონაწილეობას ღებულობდნენ სენაკის საჯარო და კერძო სკოლების მოსწავლეები. კალიგრაფიის კონკურსში მონაწილეებს აფასებდა კომპეტენტური ჟიური, სადაც გამოვლინდნენ გამარჯვებულები. კალიგრაფიის კონკურსის დებულების შესაბამისად, კონკურსში გამარჯვებული ახალგაზრდები, განათლების, კულტურის, სპორტისა და ახალგაზრდობის სამსახურის განათლების ღონისძიებათა ხარჯებიდან წახალისდნენ ფინანსურად:

1. პირველი საჯარო სკოლის მოსწავლე, თაზო ჩერქეზია - 300 (სამასი) ლარით;

2. მე-3 საჯარო სკოლის მოსწავლე, მარიამ სიგუა - 200 (ორასი) ლარით

3. მე-3 საჯარო სკოლის მოსწავლე, ნინო ფრანგიშვილი - 100 (ასი) ლარით

ჟიული შარტავას 81-ე, გურამ გაბესკირიას 78-ე და გენო ადამიას 89-ე დაბადების თარიღების აღსანიშნავად, გმირების მშობლიურ ქალაქში, კომპლექსური ღონისძიებების კვირეული გაიმართა, რომელიც მიზნად ისახავდა ახალგაზრდებში პატრიოტული სულისკვეთებისა და ცნობიერების ამაღლებას, საქართველოს უახლესი ისტორიის კიდევ ერთხელ გაანალიზებას:

- სენაკის ტექნოპარკში, საგანმანათლებლო რესურსცენტრის უფროსის, ელისო შურდაიას ინიციატივითა და მუნიციპალიტეტის მერიის მხარდაჭერით, ვიქტორინა - „...და შენამდე არც თუ ისე შორია...“ - გაიმართა.
- ჟიული შარტავას მუზეუმში გაიმართა ეროვნული გმირების: ჟიულ შარტავას, გურამ გაბესკირიას და გენო ადამიას დაბადების დღეებთან დაკავშირებული სამხატვრო სკოლის მოსწავლეთა ნამუშევრების თემატური გამოფენა;
- საჯარო ბიბლიოთეკაში ჩატარდა თემატური სადამო სახელწოდებით - „სენაკი - გმირების ქალაქი“, რომელშიც მონაწილეობას ღებულობდნენ სენაკის საჯარო სკოლების მოსწავლეები და საზოგადოების წარმომადგენლები;
- ჟიული შარტავას მუზეუმში გაიმართა თემატური ღონისძიება „ ჟიული შარტავა-81, გურამ გაბესკირია -78, გენო ადამია - 89“
- გენო ადამიას სახელობის პირველ საჯარო სკოლაში, მოსწავლეთა მონაწილეობით, გმირების ხსოვნას მიეძღვნა ლიტერატურულ-მხატვრული კომპოზიცია.
- ჟიული შარტავას სახელობის მე-2 საჯარო სკოლაში, პედაგოგმა, ნანა თავართქილაძემ, საქართველოს ეროვნული გმირის, ჟიული შარტავას ცხოვრებასა და მოღვაწეობას თემატური გაკვეთილი მიუძღვნა.
- ხელოვნების ცენტრის სამხატვრო სკოლამ, ეროვნული გმირების დაბადების თარიღებს მიუძღვნა მოსწავლეთა ნამუშევრების თემატური გამოფენა.
- სახვითი ხელოვნების გალერეაში გაიხსნა ფოტოგამოფენა - „სენაკი - გმირების ქალაქი - ჟიული შარტავა, გურამ გაბესკირია, გენო ადამია“.

- ჟიული შარტავას 81-ე, გურამ გაბესკირიას 78-ე და გენო ადამიას 89-ე დაბადების თარიღების აღსანიშნავად გამართული კვირეულის ფარგლებში, ჟიული შარტავას სახელობის მე-2 საჯარო სკოლაში, პედაგოგმა, გულნარა ბარკალაიამ, საქართველოს ეროვნული გმირის, ჟიული შარტავას ხსოვნას თემატური გაკვეთილი და ესეების კონკურსი „მე და ჟიული“ მიუძღვნა.
- მოსწავლე-ახალგაზრდობისა და კულტურის ცენტრის საკონცერტო დარბაზის სცენაზე, ჯემალ მონიავეს პიესის მიხედვით დადგმული სპექტაკლით - „ჯვარცმული ზედნიერება“ დასრულდა ღონისძიების კვირეული.

მ/წლის 23 მარტს გამოჩენილი ქართველი ებრაელის, სენაკის მკვიდრის, მწერლის, მთარგმნელის, საზოგადო მოღვაწის, ჯემალ აჯიაშვილის დაბადებიდან 81 წელი შესრულდა. აღნიშნულ თარიღთან დაკავშირებით განათლების, კულტურის, სპორტისა და ახალგაზრდობის სამსახურის ორგანიზებით ტრადიციულად ჩატარდა კომპლექსური ღონისძიებები:

- სახვითი ხელოვნების გალერეაში გაიმართა ჯემალ აჯიაშვილის ფოტო გამოფენა;
- საჯარო ბიბლიოთეკაში ჩატარდა თემატური სადამო მიძღვნილი ჯემალ აჯიაშვილის დაბადებიდან 81 წლისადმი, მე-7 საჯარო სკოლის მოსწავლეთა მონაწილეობით;
- მოსწავლე ახალგაზრდობის სახლის საკონცერტო დარბაზში ტრადიციულად ჩატარდა ჯემალ აჯიაშვილის თარგმანების მახტრული კითხვის კონკურსი, სადაც გამოვლინდნენ გამარჯვებულები;
- ჟიულ შარტავას სახელობის N2 საჯარო სკოლაში, სადაც სწავლობდა გამოჩენილი ქართველი ებრაელი მწერალი, გაიხსნა მისივე სახელობის კლას-კაბინეტი;
- ჟიულ შარტავას სახელობის N2 საჯარო სკოლაში პედაგოგმა ნანა შეროზიამ ჩაატარა ლიტერატურულ-თემატური ღონისძიება;
- ჟიული შარტავას მუზეუმში მოეწყო სამხატვრო სკოლის მოსწავლეთა ნამუშევრების გამოფენა თემაზე: „ნახატები ებრაულ მოტივებზე“;
- ჟიული შარტავას მუზეუმში კომპლექსურად ჩატარდა ღონისძიება (მიხეილ ჭიაურელის ფილმის ჩვენება; პრეზენტაციები; ლიტერატურული კომპოზიციები).

47 წელი გავიდა 1978 წლის ისტორიული მოვლენებიდან. „დედაენის“ დღეს მიეძღვნა კომპლექსური ღონისძიებები, რომელიც აღნიშნულ თარიღს მიეძღვნა.

- ქალაქის საჯარო ბიბლიოთეკაში გაიმართა ღონისძიება - „ჩვენი ენა ქართული“.
- მერიის განათლების, კულტურის, სპორტისა და ახალგაზრდობის სამსახურის ორგანიზებით, აკაკი ხორავას სახელობის სახელმწიფო პროფესიულ დრამატულ თეატრში, საჯარო და კერძო სკოლების მოსწავლეებისთვის, გაიმართა ისტორიულ - დოკუმენტური სპექტაკლი - „განათლება - გზა ხსნისა“.
- მოსწავლე ახალგაზრდობისა და კულტურის ცენტრის საკონცერტო დარბაზში, მოსწავლე ახალგაზრდობისა და კულტურის ცენტრის ორგანიზებით, დედაენის დღისადმი მიძღვნილი თემატური ღონისძიება ჩატარდა.

-კულტურის, სპორტისა და ახალგაზრდობის სამსახურმა განაახლა პროექტი „საბავშვო არქეოლოგია“, რომელიც თავისი მნიშვნელობით განსაკუთრებულია, რადგან საქართველოს მამულებით ის მხოლოდ ნოქალაქევის არქეოლოგიურ-არქიტექტურული მიზეუმ ნაკრძალში და დიდი მცხეთის არქეოლოგიურ სახელმწიფო მუზეუმ ნაკრძალში ხორციელდება საგანგებოდ მოწყობილ ველზე, რაც სასწავლო-

შემეცნებით (ადაპტირებულ) არქეოლოგიურ გათხრებს გულისხმობს. აღნიშნული პროექტი ხელს უწყობს საბაზისო დონეზე ისტორიული მეცნიერების ისეთი მნიშვნელოვანი დარგის გაცნობას, როგორიცაა არქეოლოგია. მოსწავლეებს საშუალება ეძლევათ გაეცნონ არქეოლოგიის სავსე საქმიანობის სპეციფიკას და ჩამოუყალიბდეთ ამ საქმიანობისათვის აუცილებელი უნარ-ჩვევები. ყველა მონაწილეს გადაეცემა „ნორჩი არქეოლოგის“ სერთიფიკატი და სავსე დღიური. მ/წელს სენაკის საჯარო და კერძო სკოლების მე-6 და მე-7 კლასის 230-ზე მეტ მოსწავლეს აპრილ-მაისის პერიოდში მიეცა შესაძლებლობა მიეღო მონაწილეობა აღნიშნულ პროექტში. პროექტის ღირებულებამ შეადგინა 2958 ლარი.

-19-29 მაისს, აკაკი ხორავას სახელობის სახელმწიფო პროფესიულ დრამატულ თეატრში, სენაკის მუსიკალური ფესტივალი საზეიმოდ გაიხსნა. „სენაკი არტ-ფესტივალი“, რომლის დამაარსებელი და სამხატვრო ხელმძღვანელია - მსოფლიოში აღიარებული პიანისტი, პიანისტა საერთაშორისო კონკურსების მრავალგზის ლაურეატი, ხელოვნების აკადემიის რექტორი, სენაკის საპატიო მოქალაქე, ვალერიან შიუკაშვილი, სრულიად საქართველოს კათოლიკოს-პატრიარქის, ილია II-ის პატრონაჟითა და სენაკის მუნიციპალიტეტის მერიის მხარდაჭერით წელს მეტეტრთმეტედ გაიმართა. ფესტივალი ტრადიციულად 2 ნაწილისგან შედგებოდა - საკონკურსო და საკონცერტო. საკონკურსო ნაწილში წელს მონაწილეობა მიიღო საქართველოს სახელოვნებო და სამუსიკო სკოლების 2000-ზე მეტი მოსწავლე. პროექტის ღირებულება შეადგენს 30 000 ლარს.

- o 19 მაისს ფესტივალი საზეიმოდ გაიხსნა აკაკი ხორავას სახელობის პროფესიულ სახელმწიფო დრამატულ თეატრში ანსამბლ „შვიდკაცას“ კონცერტით.
- o 24 მაისს ფესტივალის ფარგლებში სენაკელი მსმენელის წინაშე თავისი მრავალფეროვანი რეპერტუატიტ წარსდგა მსოფლიოში აღიარებულმა მომღერალი, თამარ გვერდწითელი. კონცერტის ბოლო აკორდი იყო სამუსიკო სკოლის გოგონათა ვოკალურ ანსამბლთან ერთად შესრულებული, ვაჟა აზარაშვილის სიმღერა „მუსიკა“, რომელიც ფესტივალის უცვლელი ჰიმნია.
- o სამუსიკო სკოლაში გაიმართა კლასიკური მუსიკის საღამო, სადაც ქარველი კომპოზიტორების ნაწარმოებები შეასრულეს გამოჩენილმა პიანისტებმა თამარ ლიჩელმა და ნათია ქავთარაძემ, ვიოლონჩელო - ლიზი რამიშვილმა, საოპერო ვოკალი - გოჩა დათუსანი, ვიოლინო - გიორგი ხაინდრავა.
- o გამოჩენილმა პიანისტმა და სენაკის არტ ფესტივალის დამაარსებელმა, ვალერიან შიუკაშვილმა მასტერ კლასები ჩაუტარა სამუსიკო სკოლის მოსწავლეებს.
- o 29 მაისს ფესტივალი ტრადიციულად ლაურეატების გალა კონცერტით დასრულდა.

-1 მაისს, საქართველოს კულტურის სამინისტროს, სენაკის მუნიციპალიტეტის მერიის, სენაკის საგანმანათლებლო რესურსცენტრის მხარდაჭერითა და სენაკის აკაკი ხორავას სახელობის პროფესიული სახელმწიფო დრამატული თეატრის ორგანიზებით, სასკოლო თეატრალური ოლიმპიადა საზეიმოდ გაიხსნა.

თეატრალურ ფესტივალში, რომელიც მეორე წელია ტარდება, წელს, 12 საჯარო სკოლა და ახალგაზრდულმა თეატრმა მიიღო მონაწილეობა - ქალაქ სენაკის გენო ადამიას სახელობის პირველი, ჟიული შარტავას სახელობის მე-2, მე-3, მე-7, გეგუეთის, ქვემო ფოცხოს, თეკლათის, ნოქალაქევის, კოტიანეთის, უშაფათის, ჩოხატაურის მუნიციპალიტეტის სოფელ ამაღლების საჯარო სკოლების თეატრალური დასები და ზესტაფონის მუნიციპალიტეტის კულტურისა და შემოქმედების ცენტრთან არსებული ახალგაზრდული თეატრ-სტუდია „მართვე“. გამოვლინდა გრან-პრის მფლობელი - სენაკის ჟიული შარტავას სახელობის მეორე საჯარო სკოლა, ასევე - ნომინანტები, რომლებიც დიპლომებით და

სპეციალური პრიზებით დაჯილდოვდნენ. პროექტის ღირებულება თანადაფინანსებით შეადგენს 12 000 ლარს.

-დამოუკიდებლობის დღის აღსანიშნავად, სენაკის მუნიციპალიტეტში სხვადასხვა სახის საზეიმო და შემეცნებითი ღონისძიებები გაიმართა.

- o დღის მანძილზე, ჟიული შარტავას სახელობის ცენტრალურ პარკში მოეწყო სხვადასხვა სივრცეები, გამოფენები, მოლბერტებზე ხატვა, საჩვენებელი ექსპერიმენტები ქიმაში, სახეზე და ასფალტზე ხატვა, საბავშვო ხელსაქმის მასტერკლასები.
- o დამოუკიდებლობის დღისადმი მიძღვნილი პროგრამის ფარგლებში გაიმართა ხალხური და საესტრადო მუსიკის კონცერტი, შოუ - საბავშვო და ბაგა-ბაღების აღსაზრდელთა მონაწილეობით, ადგილობრივი შემსრულებლების: „კოლხური ტრიოს“, „ვერისის“, „გოგალის“, სალოტბარო სკოლის მოსწავლეთა და ქორეოგრაფიული ანსამბლების კონცერტები, ფლემზობი - საჯარო სკოლების მოსწავლეების მონაწილეობით.
- o 17:10 საათზე, საქართველოს დამოუკიდებლობის გამოცხადების ისტორიულ დროს, აჟღერდა საქართველოს სახელმწიფო ჰიმნი.

„ვეფხისტყაოსნის“ დღეს, სენაკში, მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის, სენაკის მუნიციპალიტეტის საგანმანათლებლო რესურსცენტრის, სრულიად საქართველოს რუსთაველის საზოგადოების სენაკის ორგანიზაციის ორგანიზებით, „ვეფხისტყაოსნის“ საჯარო კითხვის მარათონი, კალიგრაფიის კონკურსი და მასწავლებელთა კონფერენცია გაიმართა.

- o „ვეფხისტყაოსნის“ საჯარო კითხვაში ჩაერთნენ საჯარო და სახელოვნებო სკოლების მოსწავლეები, სტუდენტები, პედაგოგები და მოხალისეები.
- o ქალაქის საჯარო ბიბლიოთეკაში ჩატარდა კალიგრაფიის კონკურსი, სადაც გამარჯვებულ მოსწავლეებს სენაკის მუნიციპალიტეტის მერიამ ფულადი ჯილდოები გადასცა.
- o ჟიული შარტავას სახელობის მეორე საჯარო სკოლაში გაიმართა მასწავლებელთა რაიონული კონფერენცია - „ვეფხისტყაოსანი“ სკოლაში.
- o „ვეფხისტყაოსნის“ საკოლექციო გამოცემით დაჯილდოვდა კონკურსის ყველაზე პატარა მონაწილე, ძველი სენაკის საბავშვო ბაღის აღსაზრდელი, ლილე ჩიქობავა.

-20 ივნისს ქალაქის ცენტრალურ მოედანზე, კურსდამთავრებულთათვის მიძღვნილი ღონისძიება „ბოლო ზარი 2025“ გაიმართა. საღამოზე მონაწილეობა მიიღეს მუნიციპალიტეტის საჯარო სკოლების კურსდამთავრებულებმა.

(კულტურის მიმართულება)

სენაკის მუნიციპალიტეტის განათლების, კულტურის, სპორტისა და ახალგაზრდობის სამსახურის კულტურის დარგის მიზანია მუნიციპალიტეტში კულტურული თვითმყოფადობის გაღრმავების ხელშეწყობა და შემოქმედებითი პროცესების წარმართვა, კულტურული ტრადიციების მხარდაჭერა და განვითარება. ეთნოგრაფიული მემკვიდრეობის შენარჩუნება, ადამიანის სულიერი, ინტელექტუალური, მორალური და ემოციური განვითარების ხელშეწყობა. სადღესასწაულო დღეების კულტურული ღონისძიებების, ადგილობრივი, ქვეყნის შიდა და საერთაშორისო ფესტივალების, ფორუმების,

საქველმოქმედო აქციების, ლიტერატურულ-შემოქმედებითი სადამოების, კონცერტების დაგეგმვა და ორგანიზება, ადგილობრივ მწერალთა, საზოგადო მოღვაწეთა საიუბილეო თარიღების აღნიშვნა, ხელოვნების სადამოების მოწყობა, შემოსული მცირე პროექტების ხელშეწყობა. კულტურული პროექტების დაფინანსება, კულტურის სფეროში მოღვაწე, ნიჭიერი შემოქმედებითი ადამიანებისა და ჯგუფების წარმოჩენა და პოპულარიზაცია, კულტურულ ცხოვრებაში აქტიურად ჩართულობის მიზნით საზოგადოებაში მოტივაციის ამაღლება და სხვა. აღნიშნული მიმართულებით 2025 წლის განმავლობაში, სამსახურის ბიუჯეტში გათვალისწინებულია 394 000 ათასი ლარი.

საანგარიშო პერიოდში ამ მიმართულებით განახორციელდა შემდეგი სახის ღონისძიებები:

31 დეკემბერი - ქალაქის ცენტრალურ მოედანზე მოეწყო საახალწლო ღონისძიებები, გაიმართა სხვადასხვა სახის მრავალფეროვანი აქტივობები, მოეწყო ფოტო ზონა, სადაც ნებისმიერ მსურველს უფასოდ შეეძლო სამახსოვრო სურათების გადაღება, ზავშვებისთვის გაიმართა ზღაპრის გმირების კოსტიუმირებული შოუ, მოეწყო საახალწლო ბაზრობა, მსურველებისთვის დარიგდა უფასო ცხელი შოკოლადი, გლინტვეინი და მაფინები, მოეწყო თოვლის ბაბუს სივრცე, სადაც პატარებს საახალწლო საჩუქრები დაურიგდათ. მუნიციპალიტეტის სკოლებისთვის, მერის სათათბირო ორგანომ, ახალგაზრდულმა მრჩეველთა საბჭომ გააკეთა პროექტი „შექმენი შენი კრეატიული ნამდის ხე“, სადაც 1,2 და 3 ადგილზე გასულ გამარჯვებულ სკოლებს ფულადი პრიზები გადაეცათ, სადამოს გაიმართა დასკვნითი საზეიმო კონცერტი, რომელშიც მონაწილეობდნენ მომღერლები ღიზა დარასელია და ზუკა ხუციშვილი თავისი ბენდით. ღონისძიება საზეიმო ფოიერვერკით დასრულდა.

14 იანვარი - ქართული თეატრის დღესთან დაკავშირებით კულტურის სფეროში მოღვაწე ადამიანების ხელშეწყობის, მათი საქმიანობის პოპულარიზაციის და დაფასების მიზნით, განათლების, კულტურის, სპორტისა და ახალგაზრდობის სამსახურის ინიციატივით ფულადი ჯილდო გადაეცემა და ქართული თეატრის დღე მივულოცეთ, სენაკის აკაკი ხორავას სახელობის სახელმწიფო დრამატული თეატრის დეაწლმოსილ მსახიობებს ქალბატონ გულო ლოხიშვილს, ბატონებს თენგიზ თოფურიძეს და ტარიელ ზურაბაშვილს, რომლებსაც 500-500 ლარი გადაეცათ.

3-8 მარტი ქალთა და დედის დღის აღნიშვნა - დიმიტრი ჯაიანის სახელობის მოსწავლე ახალგაზრდობისა და კულტურის ცენტრის დარბაზში თემატური სადამო გაიმართა, სადაც სამახსოვრო საჩუქრები, კერძოდ 40 ცალი სასაჩუქრე ვაუჩერი და ყვავილების თაიგულები, კულტურის სფეროში მოღვაწე ქალბატონებს, მუნიციპალიტეტის მასშტაბით არსებული ბიბლიოთეკების და მუზეუმების თანამშრომლებს გადაეცათ, ღონისძიებას მუსიკალურად აფორმებდა ადგილობრივი ანსამბლები „კოლხური ტრიო“, „ეგრისი“ და მოსწავლე ახალგაზრდობის ცენტრთან არსებული საბავშვო სტუდიის ახალგაზრდები.

2 მარტი, 7 მარტი 8 მარტი, - საქართველოს ეროვნული გმირების ჟიული შარტავას, გენო ადამიას და გურამ გაბისკირიას დაბადების დღეები - მუნიციპალიტეტის მასშტაბით ჩატარდა კომპლექსური ღონისძიებები, კერძოდ ჟიული შარტავას სახელობის მხარეთმცოდნეობის მუზეუმში მოეწყო ჟული შარტავას ცხოვრების შესახებ ვიდეო ჩვენებები და გამოფენა, მუნიციპალიტეტის და საზოგადოების წარმომადგენლებთან ერთად ყვავილებით შევამკეთ ეროვნული გმირების ბიუსტები. სენაკის ხელოვნების გალერეაში გაიმართა ჟიული შარტავას ცხოვრების ამსახველი ფოტო გამოფენა, დამზადდა ბანერები, სენაკის აკაკი ხორავას სახელობის სახელმწიფო დრამატულ თეატრში გაიმართა სპექტაკლის „უკანასკნელი თოლიას“ ჩვენება, სადაც საგანმანათლებლო დაწესებულების წარმომადგენლებისთვის, მასწავლებლებსა და მოსწავლეებისთვის შევიძინეთ 179 ცალი ბილეთი სპექტაკლზე დასასწრებად.

26 მაისი - საქართველოს დამოუკიდებლობის დღის აღსანიშნავად ღონისძიებები დილის 11:00 საათიდან დაიწყო. ცენტრალურ მოედანზე თავდაცვის სამინისტროს მე-2 ბრიგადის სამხედრო მოსამსახურეების ორგანიზებით მოეწყო, სამხედრო ტექნიკის გამოფენა და ფოტო ზონა (გიფერი). მოსწავლე ახალგაზრდობისა და კულტურის ცენტრის მიმდებარე სკვერში სპორტული და საჩვენებელი ღონისძიებები გაიმართა კერძოდ: მიუდოში, მკლავჭიდში, ტაიკვანდოში, მოეწყო საგანმანათლებლო სკოლების საგამოფენო სტენდები, ხელოვნების ცენტრის მასწავლებლებმა პატარებისთვის ჩაატარეს მასტერკლასები ხატვაში და ხელსაქმეში, წმინდა ნინოს ქუჩისა და რუსთაველის ქუჩის კვეთაზე მოეწყო საზეიმო კონცერტი, რომელშიც მონაწილეობდნენ „თეატრალური კვარტეტი“ და ზოკა კვეკვესკირი, სცენისთვის და ამ დღის აღსანიშნავად დამზადდა შესაბამისი ბანერები. ადგილობრივი მეწარმეების ნაწარმების გამოფენა-გაყიდვა მათთვის მოწყობილ ლოკაციებზე გაიმართა.

1-2 ივნისი ქალაქ თბილისში წისქვილი ჯგუფის ორგანიზებითა და სოფლის მეურნეობის სამინისტროს მხარდაჭერით მეიდანზე გაიმართა „ქართული ღვინისა და კუთხეების ფესტივალი“ სადაც სენაკის მუნიციპალიტეტი წელს მეორედ მონაწილეობდა. სენაკის მუნიციპალიტეტმა წარმოადგინა, მსოფლიოში აღიარებული მხატვრის, საპატიო სენაკელის რეზო ადამიას კოლხური სახლების გამოფენა, ასევე მონაწილეობა მიიღეს მოსწავლე ახალგაზრდობისა და კულტურის ცენტრთან არსებულმა ანსამბლმა „კოლხური ტრიო“ და ხელოვნების ცენტრთან არსებულმა ანსამბლმა „გოგლაიმ“ და შეასრულეს მუსიკალური ნომრები და მაყურებლისაგან დიდი ოვაცია დაიმსახურეს. მეწარმეთა გამოფენაზე მონაწილეობა მიიღო ყველის პროდუქციის მწარმოებელმა ვენერა ლიპარტიამ, ასევე წარვადგინეთ თაფლის და არაყის პროდუქცია - ზაალ დემურია.

(ახალგაზრდული მიმართულება)

ახალგაზრდული დარგის განვითარებისთვის და ღონისძიებების ჩასატარებლად ადგილობრივი ბიუჯეტიდან გამოყოფილია 45 000 ლარი.

1. 2024 წელს სენაკის მუნიციპალიტეტის მერიასა და „სქილვილ საქართველოს“ შორის გაფორმდა ხელშეკრულება, რომლის მიზანია სენაკში რეგისტრირებული ახალგაზრდების სწავლება გადამზადება აიტი პროგრამების მიმართულებით, ახალგაზრდებში მომავლის და ინოვაციური პროგრამების დაუფლება, უნარების გაუმჯობესება და დასაქმების ბაზარზე მაღალ ანაზღაურებადი სამუშაოების მოძიება-დასაქმება. საანგარიშო პერიოდში სწავლა გადამზადების კურსი 16-მა სენაკელმა ახალგაზრდამ დაასრულა.

2. საქართველოს ახალგაზრდულ მრჩეველთა ასოციაციის და ახალგაზრდობის საგენტოს დაფინანსებით გამოცხადდა საგრანტო კონკურსი, მუნიციპალური ახალგაზრდული საბჭოებისთვის, სადაც მონაწილეობდა 32 მუნიციპალიტეტი, მათ შორის იყო სენაკის ახალგაზრდული საბჭო, რომელმაც 12 გადარჩეულ აპლიკანტში მოიპოვა დაფინანსება. პროექტი „ახალგაზრდები ინოვაციური იდეებისა და მეწარმეობის განვითარების უნარების დასაუფლებლად“ მონაწილეობდნენ, სენაკის მუნიციპალიტეტის 5 ადმინისტრაციულ ერთეულში მცხოვრები ახალგაზრდები. პროექტის ფარგლებში მათ ჩაუტარდა 10 სატრენინგო სესია, 2 ახალგაზრდა მეწარმის მასტერკლასი, 2 გასვლითი ვიზიტი წარმატებულ მეწარმეებთან „ირმას ორანჟერია“ და ადგილობრივი ბრენდი „თამისი“. ტრენინგებს უტარებდნენ საქართველოს ინოვაციებისა და ტექნოლოგიების სააგენტოს მოწვეული ტრენინგები, პროექტი განხორციელდა სენაკის ტექნოპარკის სივრცეში.

3. საანგარიშო პერიოდში - ახალგაზრდა სტუდენტების მხარდაჭერის/დაფინანსების პროგრამის ფარგლებში მოგვამართა 18 სოციალურად დაუცველმა ახალგაზრდამ. აქედან პროგრამით გათვალისწინებული წესებიდან დაფინანსდა 16 ახალგაზრდა. 2024-2025 სასწავლო წელს დაფინანსებულების ჯამური თანხა შეადგენს 15 187,51 ლარს.

4. ახალგაზრდებისთვის განათლების ხელმისაწვდომობის და წახალისების მხარდაჭერის ფარგლებში 4 ახალგაზრდას ფინანსური დახმარება გავუწიეთ.

ესენია: ანა და ალექსანდრე ჩიქოვანები, რომლებიც ღებულობენ მონაწილეობას „მედიცინისა და ბიოლოგიის პროფილის ქართველი სტუდენტების მომზადება სამეცნიერო კარიერისათვის სიცოცხლის შემსწავლელ მეცნიერებებსა და მედიცინაში“. პროექტი ხორციელდება ჰანოვერის მედიცინისა და თსუ პარტნიორობით. გამოეყოთ 1000-1000 ლარი

თაკო გოგია- მაგისტრატურის გაგრძელების მიზნით ჩააბარა ამერიკის შეერთებული შტატების ნიუ ჯერსის უნივერსიტეტში არქიტექტორის დარგის მიმართულებით, მოიპოვა უნივერსიტეტში 50 პროცენტთან გრანტი - მუნიციპალიტეტმა წახალისა 2 000 ლარით.

თიკა ბარკალაია, მონაწილეობა მიიღო სტრაზბურგში ევროპარლამენტის მიერ გამართულ სამუშაო შეხვედრაზე, რომელიც მიზნად ისახავდა ახალგაზრდებისთვის დიპლომატიური უნარების გაღრმავებას. მუნიციპალიტეტის მხრიდან დაფინანსდა 1 200 ლარით.

5. იენისი - სკოლის დამთავრებასთან დაკავშირებით ქალაქის ცენტრალურ მოედანზე გაიმართა მუსიკალური სადამო, სადაც მონაწილეობდნენ ქალაქ სენაკის საჯარო სკოლის მოსწავლეები, რომლებმაც კონცერტის პირველ ნაწილში მათ მიერ დადგმული ქორეოგრაფიულ- მუსიკალური ნომრები წარმოადგინეს, ხოლო კონცერტის მეორე ნაწილში „მასტერის და young mic“-ის კონცერტი გაიმართა, ასევე ამ დღისთვის მისალოცი ბანერი დამზადდა.

6. მხარი დაუჭირეთ სსიპ ახალგაზრდობის სააგენტოს საგრანტო კონკურსში - „ახალგაზრდული ინიციატივების მხარდაჭერა“-ს, გამარჯვებულ საინიციატივო ჯგუფი „ეკო-პლატფორმა ახალგაზრდებისთვის“ ხელმძღვანელი: ნიკოლოზ ქეცბაია პროექტი "ახალგაზრდული საგანმანათლებლო და ეკოტურისტული ინიციატივა" ითვალისწინებდა ექსკურსიის დაფინანსებას და შესაბამისი სივრცეების გამოყოფას ტრენინგების ჩასატარებლად. ამ მიზნით კოლხეთის ეროვნულ პარკში 40 ახალგაზრდის ვიზიტისთვის შევიძინეთ 1 600 ლარის ბილეთები.

(სპორტის მიმართულება)

აღნიშნული მიმართულებით სამსახურის ბიუჯეტში 2025 წელს გათვალისწინებულია 62 500 ლარი. ექვსი თვის განმავლობაში გაწეულია შემდეგი საქმიანობა. კერძოდ:

-სასკოლო სპორტული ოლიმპიადის ფარგლებში სამსახურის მიერ შესყიდულ იქნა 106 ცალი ბრენდირებული სპორტული ფორმები, რომელიც დაურიგდათ 2024-25-ის რეგიონალური ეტაპის მონაწილე სკოლის გუნდებს და ასევე უზრუნველყოფილ იქნა მათი რეგიონალურ ეტაპზე მონაწილეობისთვის ტრანსპორტირება, ასევე უზრუნველყოფილ იქნა ნოსირის საჯარო სკოლის მოსწავლეების ტრანსპორტირება ზონალურ ეტაპზე ბადმინტონში (გოგონები), ხოლო მე-2 საჯარო სკოლის ვაჟთა გუნდის 3X3-ზე კალათბურთში. აქვე გვინდა სიამაყით აღვნიშნოთ, რომ მეორე სკოლის 3X3-ზე კალათბურთის გუნდმა დასკვნით (ფინალურ) შეხვედრაში დაამარცხა რუსთავის 24-ე ქართული სკოლის გუნდი და გახდა საქართველოს სასკოლო სპორტული ოლიმპიადის 2025-ის გამარჯვებული.

-აპრილ-მაისში გაიმართა რეგიონალური მინი საფეხბურთო ტურნირი „სასკოლო ლიგა 2025“, სადაც სამსახურის მიერ დაფინანსდა სენაკის 1-ლი და მე-2 საჯარო სკოლის გუნდების მონაწილეობის ტურნირზე საწევრო გადასახადი და ა(ა)იპ სენაკის მუნიციპალიტეტის საზოგადოებრივი მომსახურეობის ცენტრის“ მხარდაჭერით უზრუნველყოფით მონაწილეების ტრანსპორტირება ჯგუფური ეტაპის თამაშებზე.

მიმდინარე წლის იანვრიდან საერთაშორისო დონეზე მიღწეული შედეგების გათვალისწინებით, წამახალისებელი ფულადი ჯილდოები გადაეცით:

1. ახალგაზრდა, პრესპექტიულ ძიუდოისტს **ალექსი გულუას**, რომელიც 2024 წელს გახდა ქართულ ჭიდაობაში, ქარელის რესპუბლიკურ ტურნირისა და „კოლხეთის თასი 2024“-ზე პირველი ადგილების მფლობელი, 2008-2009 წწ. დაბადებულთა საქართველოს მასტერსზე კი მე-2 ადგილოსანი, ასევე 2008-2009 წწ დაბადებულ ძიუდოისტთა შორის საქართველოს ჩემპიონია, რაც არის ბოლო 30 წლის განმავლობაში საუკეთესო შედეგი მის ასაკობრივ კატეგორიაში.

5-6 აპრილს ჩეხეთის რესპუბლიკაში გამართულ ევროპის თასზე ძიუდოში, კადეტთა შორის მან თავის წონით კატეგორიაში ყველა შეხვედრა მოიგო და გახდა ევროპის თასის მფლობელი.

აღნიშნულიდან გამომდინარე, სენაკის მუნიციპალიტეტში სპორტსმენების წახალისების, მხარდაჭერის და განვითარების მიზნით 2025 წლის სპორტული ღონისძიებების ხარჯებიდან, გადაეცა ფულადი ჯილდო 1000 (ათასი) ლარის ოდენობით.

2. ბერძნულ-რომაული სტილით მოჭიდავე გიორგი ქვარცხავას, რომელიც მ/წლის 3-5 დეკემბერს, თბილისში მსოფლიო ჩემპიონის მიხეილ სალამის სახელობის ტურნირში ბერძნულ-რომაულ ჭიდაობაში 17 წლამდე მოჭიდავეთა შორის 82 კგ. წონით კატეგორიაში ტურნირის გამარჯვებული გახდა.

აღნიშნულიდან გამომდინარე, სენაკის მუნიციპალიტეტში სპორტსმენების წახალისების, მხარდაჭერის და განვითარების მიზნით 2025 წლის სპორტული ღონისძიებების ხარჯებიდან, გადაეცა ფულადი ჯილდო 500 (ხუთასი) ლარის ოდენობით.

3. ბერძნულ-რომაული სტილით მოჭიდავე გიორგი ჩხიკვაძეს, რომელიც 23 წლამდე ახალგაზრდებს შორის მოიპოვა, როგორც ევროპის, ასევე მსოფლიო ჩემპიონის ტიტული, ასევე ის გახდა საფრანგეთის ქალაქ ნიცაში გამართული ანრი დეგლანის სახელობის გრან-პრის გამარჯვებული. იტალიის ქალაქ სასარში გამართულ, საერთაშორისო ტურნირზე დიდებს შორის, საქართველოს ნაკრების წევრმა 72 კგ. წონით კატეგორიაში მოიპოვა ჩემპიონის ტიტული.

აღნიშნულიდან გამომდინარე, სენაკის მუნიციპალიტეტში სპორტსმენების წახალისების, მხარდაჭერის და განვითარების მიზნით 2025 წლის სპორტული ღონისძიებების ხარჯებიდან, გადაეცა ფულადი ჯილდო 1 500 (ათასხუთასი) ლარის ოდენობით.

4. წარმატებულ სენაკელ ახალგაზრდა კალათბურთელს **ლუკა ჩიქოზავას**, ესპანეთის საკალათბურთო აკადემიაში სასწავლო კურსებზე, საწვრთნელ-სავარჯიშო კურსების გასაგრძელებლად, სენაკის მუნიციპალიტეტის 2025 წლის სპორტული ღონისძიებების სხვა ხარჯებიდან დახმარება 2 000 (ორიათასი) ლარით გაეწია.

5. ა.ც.ტ.ფ. ფედერაციის ტაიკვანდოსტებს: იოანე გოგოლიშვილს, ლუკა სიჭინავას, ნიკოლოზ გაბედავას და ლაშა ჯოლოგუას, რომლებსაც მ/წლის 20 აპრილს უზბეკეთის დედაქალაქ ტაშკენტში გასამართ საერთაშორისო ტურნირზე გასამგზავრებლად ფულადი დახმარება - თითოეულს 500 (ხუთასი) ლარის ოდენობით გაეწიათ.

6. ნიკოლოზ გაბედავას, ახალქალაქის მუნიციპალიტეტში კიკბოქსინგის საერთაშორისო ტურნირზე მონაწილეობის მისაღებად, გაეწია ფულადი დახმარება 300 (სამასი) ლარის ოდენობით.

7. მკლავჭიდელს ლუკა გვაზავას, რომელმაც საქართველოს პარამკლავჭიდის 2025 წლის ჩემპიონატში, 23 წლამდე სპორტსმენთა შორის, მარჯვენა ხელით, ასპარეზობისას მეორე საპრიზო ადგილი დაიკავა და რუმინეთში ევროპის პარაჩემპიონატზე მონაწილეობის უფლება მოიპოვა.

აღნიშნულიდან დაკავშირებით მას ფულადი ჯილდო 500 (ხუთასი) ლარის ოდენობით გადაეცა.

8. საქართველოს ერთიანი ეროვნული მკლავჭიდის ნაკრების წევრს, სენაკის მკვიდრს გიორგი ტორუას, რომელმაც წარმატებით იასპარეზა რუმინეთის ქალაქ კლუჟ-ნაპოკაში გამართულ ევროპის 2025 წლის ჩემპიონატზე მკლავჭიდში (ასაკობრივ და ახალგაზრდულ ჯგუფში) და მოიპოვა ევროპის ჩემპიონის ტიტული.

აღნიშნულიდან გამომდინარე, სენაკის მუნიციპალიტეტში სპორტსმენების წახალისების, მხარდაჭერის და განვითარების მიზნით 2025 წლის სპორტული ღონისძიებების ხარჯებიდან, გადაეცა ფულადი ჯილდო 1000 (ათასი) ლარის ოდენობით.

9. მსოფლიოსა და ევროპის ვეტერან ძიუდოსტთა ჩემპიონატების პრიზიორს, საქართველოს ვეტერან ძიუდოსტთა ნაკრების წევრს ელგუჯა გვასალიას ლატვიის დედაქალაქ რიგაში, 20-27 მაისს გასამართ ვეტერან ძიუდოსტთა ევროპის ჩემპიონატზე გასამგზავრებლად 1 300 (ათას სამასი) ლარით ფინანსური დახმარება გაეწია, სადაც მან ბრინჯაოს მედალი მოიპოვა.

-მაისში, საქართველოს სამოყვარულო ფეხბურთის ასოციაციასთან ერთად ჩატარდა მოყვარულ ფეხბურთელთა ტურნირი „მოყვარულთა თასი 2025“, სადაც გამოვლინდა სენაკის მუნიციპალური ეტაპის გამარჯვებული გუნდი „ფოცხო“. რომელიც აგვისტოდან-ოქტომბრამდე მონაწილეობას მიიღებს მოყვარულთა თასი 2025“-ის რეგიონალურ გათამაშებაში.

-საქართველოს საუნივერსიტეტო სპორტის ფედერაცია, საქართველოს თითქმის ყველა მუნიციპალიტეტში ატარებს მინი საფეხბურთო ტურნირს სლოგანით „არა ნარკოტიკს“. სამსახურის მიერ დაფინანსდა ყველა მსურველი გუნდი, რომელსაც სურვილი აქვს მონაწილეობა მიიღოს აღნიშნულ ტურნირში, რომელიც ივლისის თვეში ჩატარდება.

-საქართველოს დამოუკიდებლობის დღისადმი მიძღვნილ ტურნირებში, „თავისუფლების თამაშები 2025“: ფეხბურთში, კალათბურთში, 100 მ-ზე სირბილსა და მაგიდის ჩოგბურთში სკოლებს შორის ჩავატარეთ სპორტული შეჯიბრებები, გამოვავლინეთ გამარჯვებული და პრიზიორი გუნდები და გადავეცით შესაბამისი ხარისხის სიგელები.

სამსახური აგრძელებს მუშაობას მასზე დაკისრებული ფუნქცია მოვალეობების ეფექტურად და ხარისხიანად შესასრულებლად.

პატივისცემით,

სამსახურის უფროსი

A handwritten signature in blue ink, appearing to read 'G. Misabidze', written over a horizontal line.

გ. მისაბიშვილი